

## Mirsad Đugum

Pitanje postavljeno Ministarstvu vanjske trgovine i ekonomskih odnosa BiH: "U skladu sa Zakonom o veterinarstvu BiH ("Službeni glasnik BiH", broj 34/02), definiran je zakonski temelj za provođenje laboratorijskih pretraga u sklopu Plana monitoringa rezidua za prehrambene proizvode. Vodstvo Ureda za veterinarstvo BiH je putem javnog poziva za izbor najboljeg ponuđača za obavljanje laboratorijskih analiza u sklopu Plana monitoringa rezidua izabralo laboratorije iz susjednih zemalja, Srbije i Hrvatske, umjesto laboratorija iz Bosne i Hercegovine.

Uvažavajući opravdanost takvog postupka i obrazloženje u vezi s izborom laboratorija, želim postaviti pitanje ravnatelju Ureda za veterinarstvo BiH. Uzimajući u obzir velike finansijske izdatke koji se izdvajaju iz proračuna institucija BiH za provođenje Plana monitoringa rezidua u prehrambenim proizvodima, zanima me sljedeće:

- Koji je vremenski rok za dostavu laboratorijskih nalaza iz Srbije i Hrvatske?
- Tko i na koji način tumači takve nalaze?
- Kojim putem i kome podnosite izvješća o rezultatima monitoringa rezidua?
- Koji su učinci i korist monitoringa rezidua?
- Kakve korake poduzimate ako nalazi ukažu na neispravnost dostavljenih uzoraka?
- Kojim putem i na koji način Vijeću ministara BiH pravdate finansijski utrošak sredstava?
- Objavljujete li laboratorijske rezultate na internetskoj stranici?

Imajući u vidu ovdje spomenuto, zamolio bih da mi Ured za veterinarstvo BiH u najkraćem mogućem roku dostavi grafički prikaz laboratorijskih rezultata rezidua iz programa monitoringa rezidua za 2010., 2011. i 2012. godinu."